

金門志卷二

分域畧

金門澗外山也晉時避難者入焉髣髴武陵桃花源境
界唐置牧馬場始闢榛蕪為樂土斯陳侯之遺烈矣代
經幾易沿革相尋山川風景亦因時變態

國家清晏日久井里市廛生聚蕃息已蒐然作滄溟保障
海上奇觀是又當於小中見大已為分域畧

金門志

分域畧

沿革

金門舊名浯洲又名仙洲明初改今名紫峯文集 晉中原

多故難民逃居者六姓蘇陳吳唐為萬安牧馬監地德宗

貞元十九年閩觀察使柳冕奏置從牧馬監陳淵來者十

二姓蔡許翁李張黃王審知在閩編泉屬邑凡山川海島

不科征税宋太平興國三年島居者始輸納戶鈔熙豐間

始立都圖都有四其統圖九為翔風里並統於綏德鄉嘉

定十年真德秀知泉州府巡海濱屯要害嘗經略料羅戰

船咸高閣復稅弓丈量田畝給養馬元始建場征鹽至正

六年置管勾司至大二年改為司令司洪武元年改為踏

金門志 卷二

沿革

二

石司旋改為鹽課司二十年置金門守禦千戶所及峯上

官澳田浦陳坑四巡檢司 國初鄭氏竊距康熙二年官

軍大港兩島毀其城遷其民於界內浯洲遂墟十三年復

為鄭經所踞十九年兩島平始開設標營今以一協鎮一

縣丞一鹽大使駐焉浯洲見

形勢

浯洲在縣治東南自大海中崛起凡海嶼皆縣治水門羅
星而此特其總滙山之形勢自北而南以數計之南北直
亘三十里東西橫亘十有里許關書作五其盤鬱峻拔而
中起者為太武山自麓徂頂蓋十餘里巖巖之勢皆積石
也近觀之則群石團結若兜鑿狀故以太武名其紛糾紫
紆若印章篆刻亦謂之海印昔人有句曰要知海印分
江望之則又見其倏然若偃卧之形故俗謂之仙人倒地
曹學佺詩浯洲新與入其山脈有謂起自仙人旗歷排頭
海水仙人倒地眠不起嘉末烈與而過金門或云由灣頭而過古龍頭一說自考

金門志 卷二

形勢

三

山發脈歷鳳漸小小登角與而過青嶼語云天弧天角龍
躍渡江鴻漸非即天弧天角乎且文公嘗至鴻漸嘆曰鴻
漸腦已渡江矣又曰鴻漸反背皆是同乃向浯也康熙與
漸高冠群山浯洲隔則此說為是以故浯洲各鄉凡鴻漸
海望之尤為疎考照到者無不吉利惟浯東相去較遠故發科較遲太武山
以西航海內渡者去縣治約八十里蓮河安海約五十里
一百里嘉禾漳洲八十里百五里外則滄海巨浸瀰茫綠
漫無涯際矣滄海
東南數島與上下盤錯其大者有太武洪濟諸山砥立海
中真形勢之奇也隆慶間

浯洲西連烈嶼中左南達担輿鎮海料羅盡其東官澳極其北雖土壤之廣金與廈共為海洋之鎖鑰全邑之藩籬而尤要於廈也書關

澎湖閩南之界石浯江嘉禾泉南之捍門清白堂稿

群輿紫帶二担二登鎮於深瀨南北太武水蒸雲霧大門賦

浩浩乎波濤之大湫無際涯而浯洲一山逆流高出比天地設險為環海屏藩鄭晉平

同安三面距海金廈尤為險要門戶之防也方輿紀要

金為泉郡之下臂廈為咽喉海國見聞錄

同域在泉漳之衝三面羅山皆立鐵干孳屏藩天造東南

金門志 卷二 形勢 四

一島高鑰海門為兩郡之巨鎮控制澎台阻阨閩粵 又

大輿盤薄近貼內地蘊之以篳蓄輔之以鼓浪高居堂奧

雄視漳東中左之鎮城也東懸海表為廈外藩官澳以內

之港道沿邊安邊船港料羅以東之水天無際洋船候風在於此收浯

島之幅員也二登守內港之邊二担捍外港之門烈嶼當

兩島之軸而海疆之形勢概見於此矣乾隆間縣志序

閩地瀕海者雖多而金廈最著蓋其間有平原廣陸可以

牧馬屯兵有曲港深洲可以泊舟結砦有豪門巨賈可以

助餉資糧故為海外諸夷所必爭地不獨台灣藉輔車之

依有桴鼓之應陶元藻縣志小序

同為海疆重地金廈門戶全省所關陳之任縣志序

水師之星羅碁布於沿海者灣之西為廣之碣石鎮虎門

鎮高廉鎮西南則雷瓊鎮灣之東則閩之金門鎮漳州鎮

福清鎮東南則台灣鎮排若鴈齒聯如貫珠南澳志

南澳與南日銅山金門浯嶼吭背相屬齊琳南澳志序

海中扼要南澳中左金門銅山同一體譬如造舟一半百

半一漏百漏戴冠上經畧南澳書

金門志

卷二

形勢

山川

太武山雄偉莊厚獨冠與上海上人別呼為仙山其脈由
鴻漸穿波出海至青巖突起三小阜逶迤凝結神區增峻
皆石滄海洪武江夏侯周德興嘗登而為之識云帝與王
猷海外傳一肩行李龍樓鳳閣空中起百代文章故石門
關之旁刻曰海山第一滄海中有十二勝曰太武巖香几
案府志作亦作浸月池眠雲石偃蓋松跨鰲石石門關
古石室鱗眼泉倒影塔千丈壁一覽亭士大夫多所題詠
通後人又增為海印室羊腸路萬頃田風動石十九都山
之步雲梯蠟房石諸勝

金門志

卷二

山川

六

鳳山塔山在大武東其下一望平行盡於料羅左起一小
阜下有二盤石入海丈四五丈又左一石山如虹直亘海
中明時議建鏡台於盤石上為備海最要地清白
虎山在大武山西形如伏虎與青巖獅山相對俗号五虎
朝獅轉而西南三山突起圓若連珠其大者如龜左右二
山會繞如蛇名曰金山閩
雙山在大武之南再轉小徑而下大小巖兀形若雙乳大
者回結平林諸鄉縣小者蜿蜒起伏直際西山雙山之下
彌望坦夷故名青山坪松柏茂密每伏莽患行人官為伐
去相傳古識云青山開狀元來下產碗青村民鑿取多成

泚經知縣朱奇珍及總兵林孫勒石示禁道光十年護總
兵楊繼勳捐俸僱工砌平之

長安山在雙山稍南南下數里直趨後浦

豐蓮山亦名香蓮在後浦東南隅其脈由石獅山北折突
起島上諸山為獨秀

太文山在豐蓮山南與太武對峙海上望之如玉柱雙擎
獻台山在揖雞籠右挹南磐在太文山南旁即鼓崗湖明

進士董賜先隱處鑿石為室自題正冠二字上有詩旁鐫
石洞天三字不題名号又漢影雲根四字明監國魯王寓

島時手書刻石諸葛倬吳兆煒鄭纘祖鄭纘緒各有詩鐫

金門志

卷二

山川

七

石室旁湖畔釣磯賜先垂釣於此前俯漂布石鐫董子垂
釣四字

南磐山由獻台西轉其石如磐故名背城面海氣象萬千
為備海要地上有嘯臥亭明都督俞大猷守金時題其石

曰虛江嘯臥門人楊宏舉繼至構石亭贊曰汪洋滄海波
浪怒來我有片物揮之使迴 國朝雍正間燕山朱杰鐫

大觀二字總兵呂瑞麟鐫如畫二字仍有砥柱觀海諸字
及詩石二片一明丁一中題一朱杰題俱莓苔不可辨旁

即寶月菴臨海有石鐫金門外谷神完賊舟泊誰有生還
來者不信即往扼觀六句不知何時何人所題亭北數武

塔巍然明百戶陳輝鑄湖海清平四字又有文台寶塔四字人每於此登高焉

矛山由城西出水頭村別名金龜山南有矛山塔明周德興造瀕海兩巨石形類龜一依山作下水狀一沈海作上水狀故俗有下水龜上水龜之呼而金龜尾亦由是而得名塔旁有浮石大如舟每一搖弄隨手掀舞山上有仙掌石拳爪螺指之痕分明可數隔海与浯與相望乃後浦屏障亦備海要地

浯洲舊称八景曰浦城海日仙陰瀑布雙陽霽景珠江夜月豐蓮積翠董與安流洗馬湖光嘯臥樓雲

金門志

卷二

山川

烈與在浯洲西南隔水廣二十里上有吳山與棲山牧山湖山相接而吳山為最又有麒麟山以形似得名居民多業漁鹽與前有牧詞有軍營與後有牧馬寨有草堂唐貞元間監察柳冕置萬安牧馬處

縣志

大登與在浯洲西北隔水周廣十里多村落洪武二十年徙大小登民二都遂墟

府志

與之西與十四都交界有沙線

在海中号東糧線廣袤二三里潮没汐現多產海錯故名

糧線

縣志

小登與在大登與之東隔水距縣六十里宋邱鈞磯家此下有品泉三石如品字泉湧其中潮則没退則清甘名仙

人井又有棋局石在虎砦方廣二尺許舊鐫萬幾分子路
一局笑顏回十字釣磯筆也今惟萬幾分回四字尚存局
以西釣石在馬東半里為鐘山宋時有章法寺今廢寺北
數尺許濶丈餘長十餘丈形如鯉魚四旁水深洞不可測
乾隆間
縣志

鱗眼泉在太武山上以形似名

將軍泉在金龜尾源出石罅上鐫將軍泉三十字旁鐫汴
泉二小字

龍泉井別名聖泉在賢聚鄉近下市村

華巖泉在城南門外

金門志 卷二 山川 九

馬玉泉在金龜尾上鐫玉泉二字味殊淡冽

鱗泉在古坑湖邊水自石出旁有巨人跡相傳仙人濯足
於此石刻絕句四首剝落不全

要涂泉在陳坑山足地中漢出流長味甘邨人誤以此為

鱗眼泉

綠池在城中寶月菴前有碑存

鱒魚池在後浦東門池二今埋其一

藥井訛為洋井在洋井鄉即牧馬王神劍所指愈疾者

甲花井在浯江書院前前具丞蕭
重有詩

桑海井俗呼井仔在後浦船仔頭海岸中潮來漲滿汝仍

清澹里人石砌之

仙人井在小登與三石如品字泉湧其中又名品泉潮來則沒退仍清甘

義泉在大登與深數十丈嘉靖間倭掠大登有烈婦吳氏投泉死故名

附錄

涇州稱海國中有太武巖亦奇觀之所萃也齊諧志之矣
蘸月蟬眼名曰泉奇眠雲跨鰲名曰石奇以靈奇則有倒
影玉几以幽奇則有石室門闕其他千丈之壁一覽之亭
與夫偃蓋之松步雲之梯詎非種種稱奇耶然愚聞山之

金明志

卷三

山川

十

奇也以物物之奇也以人如清源紫帽奇矣得虛齋紫峯
而奇始彰鴻漸三秀奇矣得蘇魏次崖而奇益顯然而奇
於人不奇於物也如以物論則一石之怪一壑之幽夫孰
不以奇稱彼松亭者固昔日之奇也而今安在哉故太武
岩之奇勝者當日勒石賦詩青鶴丁公為山發一奇可也
而桂峯之華構奇益增勝矣以至一榜七士復榜八士天
下真奇又孰有大於此哉余少浪得奇材之譽無能繼群
公奇跡不亦落漢否而搜奇括異欲抒山川之奇於毫端
亦云奇在此而不在彼也採奇者當自得於物外自非大
觀鳥能觀洪愛太武山
十二奇記

將欲為堪岩窮谷據險阻蟠龍蛇則必輦出石開幽徑極
人工之巧而後怪特百出若夫依山阻勢怪石奔騰不以
剝築為工瑰景異迹靡不誇奇競秀豈不為形勝一大觀
乎自鷺島涉海而北有大武山焉中有十二奇山之陽層
聳千峯絕谷凌煙奔風馳雨者不可勝紀有岩曰海印岩
襟江帶岫立於槃阿之間其外連山高陵其內異景天成
其左右旁遠瑰奇可喜之觀環撫之岩之前後可坐而見
也岩之內有蘸月池雨不溢暎不涸晦明未定常有日月
照其中蓋得乎日月之精而光耀其形步曲而前一松橫
密直累而上絕頂則卷然下垂若偃蓋然号為偃蓋松至

金門志

卷二

附錄山川

十一

若岩之外萬山面內蒼萃繡錯勢若星拱對豎一石形類
几榻遠觀近望如香几之送臨曰香几案天作之勢非經
工化材所可及也旋轉而左徐行百步許有石萃然起於
蒼莽之中不斲木以為椽不積土以為垣石室天成微風
遠響坐臨終日若與安期羨門接於物外也峯迴路轉石
室之石高邱之上有亭翼然登高而嬉可上望甚遠烟市
之所聚碧云之所樓一瞬千里謂一覽亭履嶢岩距虎豹
漸聞水聲潺潺然兩泉瀉出於大石之間曰獬眼泉泉清
而甘煮泉而飲令人朝往而夕忘歸焉其尤奇者岩之旁
石塔崇巍塔在大武之中流形飄影倒出東海之外影之

所及魚屏其迹斯亦亦怪特奇偉之規乎由是循崗陟巘
跋履於塔之左忽一石突兀在高原之中每雲雨驟至狂
風怒号石為之動如輕風之拂芳草曰風動石何所生之
異耶不特此也岩后諸峯泉石尤美攝衽尋往往遊之兩
石對豎類門然其旁環以清流蓋為遷客逸士往來嬉遊
之道由石門而出屈折西向岡陵起伏有步雲梯焉因高
邱之阻累石為級高數十丈迥出層霄時有白雲遊其上
因石梯而上極山之巔四望如一可以脫埃塵絕煩惱迎
雲氣而侶風月也從是據險臨深循道而往則左懸石壁
憑虛峭立四無附麗望之約千丈許令人目眩魂搖阻絕

金門志

卷二

附錄山川

三

之形於是乎極石壁之右又有路盤曲三十六迴蚪蟠數
千似如一線然往來行旅隱見繼續皆出其中殆所謂羊
腸道者也夫是山處環海之中吞長江銜遠山固足為異
况幽奇壯麗之景皆迥拔猷巧以效茲岩之中乎雖然此
其大略也若夫山之蒼顏秀壁巔崖拔岌挾光景而薄星
辰與夫烟雲開斂俯仰百變則雖智者不能窮其狀也余
既盡書其山之異尤樂其岩之幽以奇於是因昔所謂十
二奇而為之記焉 黃瑒太武山
十二奇記
崖江為誰都督俞公別号也公昌以嘯卧於茲耶初公以
乙未武進士加千戶秩來守金門期年而化暇時嘗遊息

於此故自題曰虛江嘯卧云公為秀才即喜誦范文正公
先憂後樂之語慨然慕效之嘯卧豈自暇逸乎哉必不然
矣夫公文武忠孝所至人誦其名生平以理自信雖百折
不少挫其視文正殆後先一轍爾矣當在金門嘗有志構
亭尋因陞去不果余後公二十二稔乃來繼治思以闡公
志也故命工甃石構是亭於石題之於前後扁曰後樂於
其樂也樂山川人物互相輝映後有登斯亭者其亦聞風
而興矣遂記之又從而歌之曰嘯於斯卧於斯留芳百世
肇於斯揚宏舉虛江
嘯卧亭記

活之為洲大海環之地木斤因泉鮮清甘茗飲者病焉蓋

金門志

卷二

附錄山川

三

茗之香味不得佳泉不發而島上之泉非出自石中者不
佳予不能酒而有茗癖終日與泉作緣曩緣舊聞第知有
鱗眼將軍二泉耳鱗眼出太武山巔泉竅啞啞吸象鱗眼之
轉動將軍出兜鑿山麓石壁間故以為號予家東北望太
武二十里而遙蠟屐酌泉未數數然西南距鑿山四里而
近溪童汲運不其艱遂得時時屬饜去秋偶過華岩菴試
其天井中石泉而善之曰鱗眼將軍而外此其鼎之一足
乎題壁紀事有未經嘗匕盃幾失第三泉之句已而族人
告予曰村北數百武有龍泉焉宋時龍起其地泉湧石罅
迄今大旱不涸吾里名龍湖先永豐令公別号龍泉者以

此靈跡所存必有異味盍試之汲以瀹茗果大佳嘆詫曰
忽近而謀遠得毋為龍神所笑因并致四泉而詳較之蠚
眼醅釀冽潔赴喉之後舌吻間尚有餘甘龍井醅冽不減
蠚眼所徵遜者蠚眼出於危石旋湧旋瀉汲者必以葉成
之入器其鮮活之性毫無所損而龍井有窟瀨水水稍停
宿故入口始覺遲鈍若決積淵而挹新液二泉殆難為伯
仲矣將軍居洲之尾氣力發洩已盡冽而不醅華岩分太
武之支醅精未散但廢堂既高於井而廢外稼地復高於
堂人跡所狎不無飛塵所犯遇久雨則客水注入色同行
潦矣移其宇濬其溝使出泉之石峙然而露即不敢望蠚

眼何不可軼將軍而上之也哉蓋泉之所處亦有幸有不
幸也據現在而品之蠚眼第一龍井第二將軍第三華岩
第四已亥伏日島上泉客識

盧若騰語
洲四泉記

閩津

後浦渡門往廈

水頭渡俱有渡船往廈門

劉五店渡與同安渡同泊一處往劉五店

西黃渡往蓮河

烈興渡小船往來後浦

後豐港渡

同安渡泊後浦西南隅往縣城

官澳渡往安海

金山港渡泊金山宮往廈門

青崎渡門往廈

金山志

卷二

閩津

五

橋梁

大橋在後浦東門鄉外從前海潮漲至橋下而後妥董林二溪之水合流由出入海橋下可以泊舟今則浮沙

塞滿而橋址尚存

觀德橋在高坑鄉邊道光庚戌年瓊林人武德騎尉蔡行

猷建

觀瀾橋在蘭厝鄉前紳士蔡苑建道光間蔡德成重建

港埭

金門通潮五港凡瀨水處俱有鹽埭可以晒鹽一在官灣
沙塘頭入潮今沙壓成田名枋港港門通潮每秋汛渣漬
壞田崩岸一在金山頭兩灣舟楫隨潮出入舊有梁埭左
分遠西黃灣右分遠汶水頭社一在雞潭尾劉灣入潮遠
浦邊及平林社後一在占窰頭烏沙頭入潮通浦頭埭一
在東沙灣入潮通東沙村後沙壅成田滄語
後浦港南盡下滋盧嶺而遙匯諸路之水外環以沙汕潮
漲不沒為全浦關鎖汕之上有石堤二各長八十餘丈一
里人稱造縣丞金忠銘有築堤修塚記一疋海鎮陳光求

金門志

卷二

港埭

十六

造亦有石碑俱嘉慶時事港水深上通洗馬董林諸溪十
年前船艇猶載貨入龜橋今溪既沙壓為路港亦平淺成
田潮漲時小船尚可泊灣

浦頭埭宋時有傳府曾府田今荒

梁埭在金山灣今沒

梁府埭近湖尾湖

後浦埭向循梁丞相古蹟築埭成田後再築外埭而屢崩
壞順治四年楊耿踞島決堤田堙民多失業負課康熙二
十五年清文現業輸官苦埭累者始息

附錄

昔年循梁丞相古蹟築棧成田所獲甚厚因之期望轉
奢再築外埭至今無不追咎其後舉之謬者蓋內埭閃
在一傍於海水潮汐之道不相妨碍且上承宋洋百源
之水四時潄注故遂化斥鹵為膏腴外埭則異是矣自
有天地即有此港今橫築一岸而壅塞之海潮既朝夕
侵蓄霖雨時山水復從內衝出岸非跌鑄安有不壞之
理且上流絕無活水注下即使堤岸無恙而田土鹹味
不變所收曾不足當內埭之一二某生世六十年親見
外埭崩壞六次補築勞費得不償失可謂愚矣為今之

金門志

卷二

附錄港棧

七

計莫如棄外埭而併料併工以築內埭內埭堅固歲歲
禾稻豐熟冠於浯上其利一也外埭改為海堰魚蝦蟹
蛤滋生無窮其利二也大海潮堂堪輿所最重陽基陰
地臨此者福力厚而且遠其利三也颶風時作舟楫移
泊港內永無覆敗之虞其利四也夫築內埭則有利而
無害築外埭則有害而無利章章如是即奈何復踵前
日之誤乎今移埭石料以築內埭之下半截綽綽有餘
其上半截水勢至此緩弱不能壞岸也循舊址而挑土
培築足矣一勞永逸可不俟再計而決也

盧若騰後
浦埭議

後浦保 後浦 後浦 前湖下 埔邊 董林 後洲

後按 後湖

菽藁山

古賢保

金門城

水頭

古坑

山仔兜

東沙邊

古湖保

湖下

謝厝

古立

賢聚

官路邊

二十都

烈與保

後頭

下寮

羅厝

湖下

青岐

浦頭

廢上

報頭

西路

西吳宅

中寮

後山

上林

湖井

前園

東坑

前浦宅

後井

後南塘

楊厝

下林

上方

廢下

東林

下田

後文

刺園

金門志

卷二

都島

元

街市

頂街在右營衙前

觀音亭街在觀音亭前

橫街仔

總爺街塗山下

北門街近丞署

船仔頭在小媽廟邊

衙口市鎮署轄門外曠地架

東轅門集在後浦鎮署東海口

街頭集在右營遊擊署東隅村

金門志 卷二 街市

觀德堂集即小較場村民賣菊草聚此

中街上與頂街毗連

新街由右營衙前折而南與南門街毗連

橋巷

嵩店巷由街口市折而東

南門街

沙尾街在沙尾鄉

西轅門街

專汛口集在鎮署西歲時聚

及雜穀聚此

二十

第宅

處士邱葵宅在小登鍾山下

編修許懈宅在後浦今為金門鎮署

經畧蔡復一宅在山兜村發基猶存

黃氏西堂別業在前水頭鄉有園林池沼之勝舊址猶存

附錄

同邑連海而南巨島錯列小登於諸島若福浮海上最
渺也而五百鍾靈宋邱鈞磯先生獨產其上先生後朱
考亭百餘年而道學獨祖考亭運當陽九欽德自全蓋
自讀書論世知有先生久矣蔡虛臺公重修邑乘獨高

金門志

卷二

第宅

廿

先生之臥而予居去先生一水不能詳言其遺宅故墟
予病馬乃於季夏之八日戒小舟約王茂才諸君詣小
登訪焉舟行而東過石虎砦之前旋及懸崖岬下白沙
數武有泉出沙之三石間瑩徹而甘即泉郡志所載仙
人井者於是沿崖西而行多石或峭或圓有方石周幾
尺許鑿為象馬嬉局而於中分一道則鑿萬幾分子路
一局笑顏回十字已遭琢沒萬幾分及回四字完善可
摹草甚工蓋先生手筆云踰局步漸西則先生釣石在
焉從此東行半里為鍾山南有寺曰章法肇於宋而北
則先生之所宅址不半畝黍秀離離蓋自我高祖以倭

故徙登氏一與皆墟成化初乃復舊籍邱氏俱望鐘山之麓列屋而先生之舊址竟廢予與諸君撫景低徊就先生之裔朝準君別業休焉君因出所藏先生詩一編讀之先生之洞天人徹性命觸發皆真而為生人明大義為天地辨大分考亭統緒存以不墜則先生之功誠大矣然先生之高蹤逸韻亦今而後知其詳則豈非有數也哉既歸釋楫遂記之萬歷四十年壬子季夏望後三日後學張曰益書於海雲館後六十一年壬子後學林霍再刪訂時仲夏二日書於欖園

明張曰益訪邱鈞磯故居記

坊表

銀臺進士坊在青輿為張也張定父子立

褒忠坊在青輿為御馬監張敏立

封君坊在東洲為封編修許振文立

文章垂世孝友傳家坊在庵前社旁為編修許獬立

監察御史坊在官裡鄉為嘉靖己未進士許福立今圯

盛世儒英坊在瓊林鄉為方伯蔡守愚祖布且立

節烈坊在後浦渡頭康熙間為許元洛妻黃氏立

節孝坊在後浦東門嘉慶間為贈提督邱志仁妻許氏立

一門在節坊在瓊林

金門志

卷二

坊表

廿三

節孝坊在瓊林為蔡顏氏立

墳墓

唐牧馬王陳淵墓在廢前

宋同知顏五郎墓在廢前牧馬廟旁

承事郎陳彬墓在東店湖邊地東址

承事郎陳大燦墓在山柄鄉府志舊縣志俱依陳遠墓誤

進士陳撫墓在黃龍山背

處士邱葵墓在小登與明張曰益云先生子孫耕隴間得穴探之則先生墳自書執為記

明知州陳顯墓在東洲

贈通政使張益初墓在青巖石庭前

贈錦衣衛同知張太常墓在青巖石庭前

金門志

卷二

墳墓

封主事黃梁甫墓在英坑

知府黃偉墓在湖山鄉

封員外郎陳禎墓在浦邊黃龍山上覆掌形

知府許大來墓在後林山

進士許福墓在官裡鄉

主事許廷用墓在山龜

編修許獬墓在山前鄉

布政蔡守愚墓在湖南鄉

禮科蔡國光墓在十八都前尾鄉

尚書盧若騰墓在賢聚鄉碑鐫有明自許先生牧洲盧公

之墓係從澎湖太武山下遷葬於此

附錄

先生之孫昂吾自撰其父饒研墓誌曰通議公之殯於
澎也屬紅夷之警忽夢公告以寒覺而心動復買舟至
澎啟櫬歸葬於浯福建續志台灣府志俱載進士盧若
騰墓在澎湖不知為廢塚也今依墓誌正之款云
文抄

監國魯王墓在古坑後埔

附錄

世傳明監國魯王薨於金門葬後浦墓久湮失道光壬辰
春林生樹梅訪得之城東鼓岡湖之西墓前合灰土為曲

金門志

卷二

墳墓

廿五

屏不封樹土人稱王墓不知何王墓也下一墓形製相似
相傳倭王從亡歲久為耕犁所侵林生急白凱檄金門縣
丞清界址加封植禁樵蘇樹碑以表之期於勿替顧授外
史諸家所載王薨葬年月互異辨之者亦異茲就凱所見
諸書為考詒據阮之錫文陽察集謂王薨於金門歲在庚
子無名氏台灣外史亦云王以庚子十一月殯於金門鄭
成功令兵部侍郎王忠孝禮葬於後埔江日昇東旭海濱
紀錄及鷺島道衲夢菴海上見聞錄所載並同全祖望黠
埼亭集據沈元文斯菴集挽王詩序則謂王薨於壬寅冬
十一月在成功卒後且謂王同成功入東甯故即葬焉引

張煌言倉水集與盧牧洲書以成功既卒海上諸臣議復
奉王監國及祭王文有十九年旌節之語由乙酉監國數
至癸卯適合以為證鄧傳女姦測東鈔辨之謂謝山據楊
陸榮華野史訛傳成功沉工於海一語為昭雪而并易其
年月薨葬之地以釋群疑其說當存疑而引外史諸書主
阮文陽說為庚子曰言魯王未嘗至東甯沈斯黃居台灣
在鄭氏之先何由與王習和台灣太湖之魯王墓疑為王
世子極皇葬處諸臣專宗王亦稱魯王并疑議復奉監國
之魯王亦為王世子其說雖近臆創而辨王之未至東甯
為較確然則墓何由在東甯又鮑琦亭集之訛也訛又按

金門志

卷二

墳墓

其

林霍子獲續閩書載王素亦孝疾壬寅十一月十三日中
疫薨生萬歷戊午五月十一日年四十有五葬於金門王
所嘗遊地林生樹梅又搜得盧若騰牧洲島噫集有辛丑
仲夏壽魯王詩壬寅仲夏味泰山高壽魯王詩按林子獲
曰妾攬聖人學詩於牧洲自少與紀許國阮文陽道跡鷺
島祚遺民必及聞見之牧洲金門人從王於島上其詩與
續閩書誕日符合豈有子亮而猶為之壽者則壬寅又若
可據凱要而斷之成功之攻台灣也以辛丑三月克以十
二月其卒也以壬寅五日當渡台攻取時勝負未可知斷
無挾王同行之理則鄧說為是遜菴諸遺老與甯靖王及

諸王子之渡台也皆在鄭經襲位二島將破之時當在癸卯甲辰牧洲之作壽王詩猶在金門也又紀許國石青集亦有壽王詩不載年月而續閩書并詳記王薨之曰則似當以壬寅為是蓋當日諸臣流離瑣尾道途梗塞傳聞異詞故所載亦異詞而墓在金門後埔則無疑焉今墓前有鼓岡湖廣四十餘丈湖南多石鷄王手書漢影雲根四字並鐫從亡諸公題咏其為王嘗游處又似可信甲辰以後二島糜爛或碑碣無存惜不得沈斯菴集而讀之其云墓前有太湖謂鼓岡耶抑謂台灣之太湖即今鯽魚潭耶凱嘗游其處魯王墓亦無考焉嗚呼王以有明宗室問閩顛

金門志

卷二

附錄墳墓

七

沛漂泊海上數十餘年唯鄭氏是依而又不足以禮待致受沈海之誣卒至埋骨荒島榛莽為墟春霜秋露麥飯無聞亦可憫已哉 國朝加惠前代自陵寢及名臣賢儒墳墓俱有禁令於明史不諱唐桂諸王事靖節諸臣皆 錫之謚典 聖德皇仁超越千古若魯王墓固守土者宜恪遵禁令急為防護者也而斯邦人士展念陳迹宜何如之感慕歎息保守之期勿再失乎因為考以實之

巡道周凱內自訟齋文集

王諱以海字巨川明太祖十世孫崇禎甲申襲封魯王乙酉監國紹興師潰鄭彩自舟山迎王入閩居中左所鄭成功修萬公之禮戊子居閩安頒監國三年歷有興化以南

二十七州縣旋失矣之去監國號居金門凡十年壬寅成
功死海上諸臣議復奉王監國會王得哮喘疾於十一月十
三日薨距生於萬曆戊午五月十五日年四十有五葬於
城東王所嘗游地野中載成功沉王於海又稱王薨於海
外皆傳訛也沈太僕元文挽王詩序云墓前有大湖接即
今鼓崗湖去墓里許湖南多石竊王手書並從王諸臣題
詠知王嘗游息於此則墓在金門無疑惜久湮失林君樹
梅訪得之凱為立墓碑禁樵薪加封植焉懼其久而復湮
也為記於碑陰願金門士人歲時祭掃共守護之

道光丙申月日周凱人書

內自訟
高文集

金門志

卷二

墳墓

共

通判贈蔡政蔡宗德墓在戴洋山

贈蔡政蔡宜勳墓在徑林

贈按察蔡希旦墓在廢前

贈知縣蔡潛墓在十七都孤坑鄉

知府林龍采墓在古坑

贈按察蔡宗道墓在瓊林

知州蔡潛墓在高坑鄉十八都

封知縣洪家玉墓在董林鄉北山

提督蔡攀龍墓在徑林大學士蔡新撰誌銘

總兵李耀先墓在前坊

提督男爵邱良功墓在小徑

總兵陳光求墓在湖下鄉烟墩山脚

提督李光顯墓在山羅

總兵楊華墓在湖下

總兵文應舉墓在古坑

副將楊康能墓在庵前

副將林廷福墓在太文岩之麓

金門志

卷二

墳墓

七

義塚附

後浦義塚一在後浦社南縣丞金忠銘有築是修塚記

一在赤頭浦一在大溝職員林可遠重修

一在西門外新塚

古厝義塚在大文山麓職員薛道南重修

後塘義塚在斗門鄉邊

萬善同歸所在後浦渡頭

一在馬蹠山下一在浦後

附錄

浯浦義塚凡有三北門大溝其一也歲久崩塌不堪為

金門志

卷二 義塚

自上舍林君可遠見而憫之首輸錢百串議修築謀諸紳士某等咸慇懃募捐以某月日諏吉興工訖若干日告成墳修計數千拾其暴露者幾三百有子孫者給物料使自修糜金錢若干勛磚石灰確者無算仍於東偏隙壤闢一室令近地農氓居之月給薪資以時禁樵採或牛羊踐躪罔懈某某等帥場某者更日督之嚴以故工堅事速泉壤以甯役既竣問序於余余乃紀其實俾鑄諸石用告後來所以勸善也竹哇文抄

物貨

物貨有志所以紀土性之宜而徵物力之豐歉也浯洲蕞爾地羽毛齒革之所弗生澤國居民惟資海錯問生涯於風濤萬頃中亦足慨已田無水利居山者時苦亢暘所產地瓜花生而外更鮮嘉穀茲特就他處所稀有及所產稍多者約舉之以附於疆域之後而浯民拮据情形開卷如睹有民社之責者其念諸

穀之屬

地瓜 金門無水田不宜稻故遍地皆植地瓜終歲勤勞所望祇此若年歲丰登僅供一年之食其粉較他處尤良至於黍稷菽麥亦間之特所產少耳

金門志

卷二

物貨

三

附錄

三姐者浯之孀媪也初萬歷中有賈於呂宋者截其諸蔓歸十年後忽不實或夢神語云三姐宅前取蔓種之則倍登如神言剪插之信後競傳種謂三姐籐鄭得滿

紅諸序

蔬之屬

雞 類香草氣味香甜與雲南雞縱不殊出西落花生地而外唯花白菜出金門者味清甘甲他處松來自紫菜生為多 山瓜蔓生形如王瓜人採食焉

果之屬

桃 柑 金門風烈凡果不花惟桃柑
二核能結實然核者膠膠 甘蔗 出下坑鄉者
花之屬

漢宮春 生太武山蒜花 葉如蘭莖長尺許紅艷異常花落
花土人以蒜花呼之春夏
間惟前水頭山門有之

草之屬

水管草 生於水溪葉略如竹形
其節能吐沫數日則兩

藥之屬

山檀 出金夏見 青礬石 見縣志 香附 枸杞 地骨皮 出金
府縣志 較良 五采石脂 生新頭山外其中空內貯脂粉有
以和膏藥敷刀傷極效

禽之屬

金門志

卷二

物貨 果花草藥禽

三

黃鵠 鷄鷄

畜之屬

羊 生金門者
甘脆特勝

鱗介之屬

鱈魚 有重至十餘斤 紅花魚 按海魚甚夥不能塗龍氣益
者味極甘美

龍蟲 一名沙蟲出沙際 竹躡 山仔兜五六月份間有紅蟻
晒為乾亦甘味

官澳 香煙 色赤味香春時有之 雞蛤 龍蝦 烏力

生古甯港沙中或言即海參也祝海參差小而氣味清
廿十月間始有至正月間止所出亦不多

貨之屬

鹽 碗青 生金門地中平林後湖等鄉多有之居民穴地
採取用以染畫磁器大如碗小如彈佳者百斤

值銀數十兩下者數兩
但虧損地脈敢宜禁止
金沙出金山港非金也
沙甚細
煤炭滄海紀遺五色土
水晶間有文

金門志

卷二 貨

三

